

琴
隱
園

詩
集
附
詞
集

(一)



歷代畫家詩文集

國立中央圖書館藏本

琴隱園詩集

附：詞

景印本精裝二冊

撰者：清·湯

貽

出版者：臺灣

學生書局

代表人：馮

愛

發行者：臺灣

學生書局

臺北市和平東路一段一五〇號
郵政劃撥帳戶二四六六號
電話：二二〇九七·三七三四六七

定價新台幣六〇〇元

中華民國六十年八月景印初版



本公司經內政部核准登記證為內版業字第六八號

6020

版權所有·翻印必究

此鈔本較刊本小有異同卷二
辛丑詩拙劣集句韻諸子疊韻
六言刊本皆無國之珍也宣統
二年周君多鄭日之同公廳上索
以陳眉公漁江南秋卷換此六九從
此好耳
丙辰秋重校閩南公記

徵刻琴隱園詩詞集啟



湯雨生都督於道光二十七年六

月初七日

人將製屏幃具壺觴為濟堂之獻先生堅辭弗納乃相與

議曰以文為壽曷若能壽其文釀飲為歡曷若釀貲代梓

乎夫以先生忠孝名門詩書夙好登壇年少雄文與壁壘

同新橫槊才高浩氣得江山之助臣輒徧南船北馬十二

琴細譜清遊家珍合東壁西園三萬軸濃熏古藻偶然摘

句尚從團扇畫成便爾零箋猶見縑絲繡出矧茲全集備

極大觀雲松等快覩爭先贊成恐後結言有素儘多遠道

知交載酒而來都問名山事業豈外編投贈亟召手民

便同玉貝珠編先排目錄請將玳瑁裝成逸少之書定使

侏儒解識樂天之集即以交梨火棗來賞鄴架之材何如
雲錦霞觴盡易洛陽之紙作者固傳之百世勝屠耆艾之
篇同人亦共有千秋飽食神仙之字洵屬藝林盛事益增
壽宇美談爰以前期徧徵同志俟雲松曹秉仁謹啟

校閱姓氏

歸安吳 雲平齋

吳縣潘曾瑩星齋

元和韓 崇履卿

震澤王之佐硯農

武進曹秉仁愷堂

吳江仲 湘士甫

錢塘汪彥增葦塘

嘉興戴德堅禮庭

秀水計光炘二田

吳縣吳大瀄清卿



吳縣吳大衡誼卿
吳縣潘遵璈子繡
方外祖 觀覺阿
族子 成烈果卿

琴隱園詩集卷一

天香集



辛亥

年十四里居讀
書於天香書屋

夜讀

喚兒勿思睡喚兒起啜茶奈何兒又睡兒試挑鎗花
今日今日書明日明日書今日讀不竟明日將何如
兒勿聽雪聲兒勿聽風聲兒毋非不寒剪刀未曾停


霜葉

近來不必赤近墨不必黑暮看霜葉紅朝見霜葉白生小
居炎鄉驟見竟不識心疑江南花長此好顏色

武



湯



仙霞嶺吟句 有引

貽汾十一齡侍大母母叔父從閨歸七月過仙霞
嶺時未嘗學詩然輒吟三百六十磴一磴一層雲
二句頃大母復語及嶺上光景問尚能記憶否貽
汾固歷歷在胸觸之增悲淚不能已因退而足成
是詩

三百六十磴一磴一層雲
淚向天潑赤輪如火焚死生
長此隔孤寡不能分痛絕今宵夢悲吟孰忍聞

壬子年十五
里中作

吟簾

迢迢度春夢細細入相思
鑪烟籠作霧風片割成絲絲絲

湘女淚合是少人知

浩然伯父家石洞歌

伯家有奇石，高過青松樹。大洞三十六，小洞更無數。粉蝶時穿來，紫燕時穿去。都是洞中仙，只愁不能住。

癸丑

年十六
里中作

洛城看花行和友人

黃鶯銜春入洛城，滿城人動看花情。城裏無花城外有，城外還輪城裏酒。看花携酒樂春辰，朝出暮歸人似雲。洛姬生長花叢裏，拋卻機絲關羅綺。紛紛花不如，看花人願為花死。可憐羅敷貧女，貧生來不愛陌頭春。游驄日日門前過，只見花飛不見人。

白雲渡夜步

雨餘石橋滑漲落板岸陡閒行向古渡覓句默昂首不知
雲西飛但覺月東走地曠天河長波搖人影耦渡艇寬於
簑蒲簑名船名吾名荅柵踞如偏天寒柝常疏夜定鐘忽吼踏蛩暗
草根逐燐沒波口輟面愁霜批髻髮畏風擲行歌澹忘倦
褚衣涼入肘犬聲越空溪鳥夢兀焉柳誰家人未歸樓上
殘燈守

雜感

審已恐不深知人每恐淺卓哉靖郭君乃得劑貌辨舍之
以上舍惟恐禮意簡一朝齊王前數語脫偃蹇還為齊相
國其功亦云罕令子惡多貨幾諫似亦善泊乎食報時應

愧非鉅眼終之得馮驩又復多所哂所惠僅口腹欲且不
與滿報而多於施受亦得毋報嗚呼嬰與文皆以得士聞
而文愧嬰遠智未嘗知人驩惟因不知故以能自明在文
為倖致在驩為喜名

明名皆
叶上

讀騶冠子

天之道一聖法天能使神明能役賡天曲日術後王法奈
何論于成鳩年成鳩之久何以久其君臣民一故久然吾
視久彼非久萬八千年本其壽畢壽而後代後王固恒有
芴芒盲冥鬼不見成功遂事入化初不知其然而有然微
乎微乎口難言用之于兵兵克敵用之于民民食德北面
而事伯已至先趨後息什已至人趨已趨若已至指麾而

使廝役至樂嗟若咄徒隸至五至之說紳可誌噫吁嘻伯
已什已人盡知吾見世上多忌之忌之之辱甚嗟咄徒隸
不若安可說

心雖不悅敢不譽亂世賢人多恐懼孔子諾虎心豈然聖
賢有時亦可憐

一葉蔽目不見山兩豆塞耳難聞雷斯言理至精障蔽宜
慎微我心誠聰明外障亦不來山若不見心識葉急去其
葉明自聞雷若不聞心覺豆急去其豆聰自聞聰明在心
不在骸耳目不過因為媒

越人有兩兄良醫而無名長兄治病在視神中兄治病在
視形越人治病在既病國人但稱越人能越人之能已難

得長兄中兄更誰覲世如兩兄豈無人求人不如求諸身
伊呂醫人則聞矣醫伊呂者復誰氏

醫湯武者既伊呂醫伊呂者或湯武聖猶不免誠在身聖
之至者其惟天醫天尚有女媧氏病之難免有如此然天
畢竟能自醫請看日月之蝕誰醫之

伊尹酒保太公屠管子作筆百里奴及夫荒亂為世師非
其智能乃命時時乎命乎堪痛哭比干子胥空殺辱然而
在時在命仍在人君不見巢許甘隱淪鶡冠子隱而已中
河失船壺千金韓公讀之徒傷心

甲寅

年十七
里中作

東郭

東郭有高亭空濛繞烟水烟中足楊柳水中足蒲葦春人
柳花中秋人葦花裏不見青天高白鷗幾生死

東郭有浮圖七層七千佛上佛得高魏下佛得寬關人心
苦不知愈高愈其末霹靂從天來佛心正愁絕

東郭有古梅千里不一花天寒聞語鶴月白來棲雅傑閣
窗四閉無人以為冢仙人在塵世處士在天涯

日日東郭遊遊情游絲柔紅裙簇千蝶百媚春光流郭中
翡翠樓郭外沙棠舟借問舟中風浪恐何如樓上烟花愁

隨牒集

乙卯年十八起里
中至都門止

影

出門見秋月獨步無良儔
四顧僅有影無言兩綢繆
涼風吹我裳白露濕我袖
來時影導前歸去影隨後
入門更無影我孤誰復憐
我不怨明月明月常在天
我生不見爾我孤至於此
爾尚有別離誰能共生死

雨過

驟雨過庭前草樹同一碧
對景即是詩尋詩又無迹

辭家

書聲已不在庭幃柔櫓聲
遙尚倚扉終恐童心貽母
慮漫愁青眼到兒稀
今生多分長為客明日
如何便得歸萬語千啼
腸斷盡幸殊窮路覓人依

曉發蒙陰